

“ТАСДИҚЛАЙМАН”



Энергетика вазирлиги хузуридаги
Электр энергияси, нефть маҳсулотлари
ва газдан фойдаланишни назорат
қилиш инспекцияси бошлиғи



И.Ниматуллаев

202__ йил

“КЕЛИШИЛДИ”



Ўзбекистон Республикаси
Энергетика вазирлиги ўринбосари

А.Жуманазаров

202__ йил

Ўзбекистон Республикаси

Рақобатни ривожлантириш ва
истеъмолчилар ҳуқуқларини ҳимоя
қилиш қўмитаси раиси ўринбосари



А.Қаюмов

202__ йил

Табиий газни улгуржи истеъмолчиларга сотиш ШАРТНОМАСИ

202__ йил “__”

№ _____

(шартнома тузилган жой)

“UzGasTrade” акциядорлик жамияти (кейинги ўринларда – “Сотувчи”) номидан Жамият Устави (ёки ишончнома (рақами ва санаси)) асосида ҳаракат қилувчи _____ (раҳбар фамилияси, И.О.) бир томондан ва _____ (истеъмолчининг номи) (кейинги ўринларда – “Истеъмолчи”) номидан Жамият Устави (ёки ишончнома (рақами ва санаси)) асосида ҳаракат қилувчи _____ (раҳбар фамилияси, И.О.) иккинчи томондан, биргаликда “Тарафлар” деб юритилади, ушбу Шартномани қуйидагилар ҳақида имзоладилар:

I. ШАРТНОМА ПРЕДМЕТИ

1.1. Сотувчи ўз зиммасига “Ўзтрансгаз” АЖнинг (кейинги ўринларда – “Газ ташувчи”) газ тармоқлари орқали Истеъмолчининг келишилган буюртманомаси бўйича табиий газни (кейинги ўринларда – “газ”) мазкур шартноманинг 1.4-бандида кўрсатилган ҳажмларда етказиб бериш мажбуриятини олади, Истеъмолчи эса ўз зиммасига ушбу ҳажмда кўрсатилган газни қабул қилиш мажбуриятини олади ҳамда тўловларни белгиланган нарх бўйича ўз муддатида амалга оширади.

1.2. Сотувчи ушбу шартномага мувофиқ, газ таъминоти лойиҳаси асосида, стандартлаштирилган ва сертификатланган газ ёқиш мосламалари ва газдан фойдаланиш учун ускуналар, шунингдек, газ сарфини ҳисобга олиш приборлари (кейинги ўринларда – “ўлчаш мосламалари”) мавжуд бўлганда газ етказиб беради.

1.3. Истеъмолчи Сотувчига тасдиқланган меъёрларга (Ўзбекистон Республикаси Вазирлар Маҳкамасининг 2018 йил 12 январдаги 22-сонли қарори билан тасдиқланган “Табиий газдан фойдаланиш қоидалари”нинг 6-банди) асосан келгуси йилда газга бўлган асосланган эҳтиёжни тақдим этади.

Истеъмолчи ҳар йили 15 июлгача бўлган муддатда Сотувчига чораклар бўйича (қиш даври учун – ойлар бўйича) тақсимланадиган келгуси йилги газ истеъмолининг

(Ушбу шартнома 3 нусخада тўлиқ қилинган ва 3 нусхада қолдирилган. 1 нусха – Сотувчи, 1 нусха – Истеъмолчи, 1 нусха – Ўзбекистон Республикаси Энергетика вазирлиги раҳбарлигида қолдирилади.)

_____ (Сотувчи) _____ (Истеъмолчи) _____ (Энергетика вазирлиги раҳбари)

прогноз қилинаётган ҳажми учун, шу жумладан шахсий электрон кабинет ва/ёки зарур ҳолатларда қоғоз шакл орқали, буюртма беради.

1.4. Истеъмолчи билан келишилган буюртма бўйича етказиб бериладиган газ ҳажми техник шартларда белгиланган босим ва ҳажмда 20 __йилда __куб.м, нархи бир куб.м учун __сўмни ташкил қилади, жумладан чораклар ва ойлар бўйича қуйидагича тақсимланади:

I чорак	__минг куб.м.,	январь	__,	февраль	__,	март	__.
II чорак	__минг куб.м.,	апрель	__,	май	__,	июнь	__.
III чорак	__минг куб.м.,	июль	__,	август	__,	сентябрь	__.
IV чорак	__минг куб.м.,	октябрь	__,	ноябрь	__,	декабрь	__.

Сотувчи томонидан хизматларни тўлиқ ҳажмда кўрсатиш учун газ тақсимоти тармоқларининг ишлаши издан чиққан тақдирда, Ўзбекистон Республикаси Вазирлар Маҳкамасининг 2008 йил 24 декабрдаги 277-сон қарорида қайд этилган стратегик ва ижтимоий аҳамиятга эга Истеъмолчига 20__йилда зарур бўлган газнинг минимал ҳажми __минг куб. метрни, шу жумладан чораклар ва ойлар бўйича қуйидагини ташкил қилади:

I чорак	__минг куб.м.,	январь	__,	февраль	__,	март	__.
II чорак	__минг куб.м.,	апрель	__,	май	__,	июнь	__.
III чорак	__минг куб.м.,	июль	__,	август	__,	сентябрь	__.
IV чорак	__минг куб.м.,	октябрь	__,	ноябрь	__,	декабрь	__.

1.5. Агар, Истеъмолчи ойлар бўйича бўлинган буюртманомани такдим этмаса, Сотувчи томонидан газ ҳажми чораклар бўйича (қиш даври учун — ойлар бўйича) тенг тақсимланади.

1.6. Сотувчи Истеъмолчининг келгуси ой учун кутилаётган ўзгариш тўғрисидаги аризасини тасдиқланган ресурслар баланси ва табиий газ тақсимотига мувофиқ ажратилган ҳажмлар даражасида кўриб чиқиши мумкин.

II. ГАЗНИ ЕТКАЗИБ БЕРИШ ШАРТЛАРИ

2.1. Газ ушбу шартномада кўрсатилган муддатларда ва ҳажмларда ҳамда ГОСТ 5542-2022 (Саноат ва коммунал-маиший фойдаланиш учун табиий газ)га мувофиқ етказиб берилади.

2.2. Истеъмолчи Сотувчидан ушбу шартноманинг 1.4-бандига асосан ҳар бир ой учун кунлик тенг тақсимланган ҳолда газни қабул қилиб олади, шунингдек, 4.11-бандига асосан газни етказиш-қабул қилиш далолатномасини имзолайди.

2.3. Сотувчи Истеъмолчига газни етказиб бериш ва қабул қилиш тартиби ва шартлари ўзгарганлиги ҳақида камида 3 (уч) сутка олдин қайд қилинган хабарномани электрон ва/ёки ёзма шаклда маълум қилиши шарт.

Сотувчининг фавкулдда-диспетчерлик хизмати ёки хабарномаларни етказиш бўйича телефон рақами:

Харидорнинг манзили ва телефон рақами:

2.4. Сотувчи газ етказиб беришнинг қисқартирилиши ҳақида қайд қилинган хабарномани электрон ва/ёки ёзма шаклда Истеъмолчини амалда газ етказиб бериш қисқартирилишидан камида 3 (уч) кун олдин хабардор қилади.

Табиий газ ишлаб чиқарувчилари, магистрал ва тақсимловчи газ қувурлари ишида технологик режим бузилишларида, авария ҳолатларида Сотувчи Истеъмолчини газ етказиб бериш камайитирилганлиги ёки тўхтатилганлиги тўғрисида тезкор хабардор қилади.

2.5. Об-ҳаво совиб кетиши даврида “Табиий газдан фойдаланиш қоидалари”да белгиланган тартибда Истеъмолчига газ етказиб бериш қисқартирилиши ёки бутунлай тўхтатилиши мумкин.

2.6. Истеъмолчи ўз тасарруфидаги газ тармоқлари ва уларга ўрнатилган ускуналар, Истеъмолчига тегишли бўлган газ тақсимлаш пунктлари (ГТП) ва ушбу шартноманинг Иловасида келтирилган газдан фойдаланиш қурилмалари, газ тармоқларининг сақланиши ва техник хизмат кўрсатилиши, фойдаланилиши ва уларнинг яроқлилиги учун жавобгарликни ўз зиммасига олади.

2.7. Истеъмолчи захира ёқилғига ўтказиш жадвалига киритилган тақдирда захира ёқилғи туридан фойдаланишни кўзда тутиши ва уни етарли миқдорда камида 3 (уч) ой давомида эҳтиёжини қоплайдиган шакллантириши шарт (стратегик корхоналар ва ижтимоий аҳамиятга эга Истеъмолчи бундан мустасно).

2.8. Истеъмолчида газ истеъмоли ҳажми ўзгариши муносабати билан қўшимча газдан фойдаланиш қурилмаларининг ўрнатилиши, реконструкция ёки таъмирланиши “Табиий газдан фойдаланиш қоидалари”га мувофиқ амалга оширилади, бу ҳақида Истеъмолчи Сотувчини хабардор қилиши шарт.

2.9. Истеъмолчи ёки Сотувчининг манзили ва тўлов реквизитлари ўзгарган тақдирда улар дарҳол бу ҳақда бир бирларини хабардор қилишлари лозим.

2.10. Газни ишлаб чиқариш, қайта ишлаш, транспортировка қилиш, тақсимлаш ва истеъмол қилишнинг ягона ажралмас технологик жараёнини ҳисобга олган ҳолда, газни ишлаб чиқарувчи, транспортировка қилувчи корхоналарнинг ва Сотувчининг амалдаги қонунчилик талабларига мос бўлган кўрсатмаларининг бажарилиши Истеъмолчи учун мажбурийдир.

2.11. Истеъмолчи газ ҳисоблаш прибори маълумотларини Табиий газ истеъмолини ҳисобга олиш ва назорат қилишнинг автоматлаштирилган тизимига (кейинги ўринларда – ТГХНАТ) онлайн тарзда мунтазам узатилишини таъминлаш чораларини кўради.

Маълумотларни ТГХНАТга онлайн тарзда узатилишида Сотувчига алоқадор бўлган ҳолатлар бундан мустасно.

III. СОТИЛГАН ГАЗНИ ҲИСОБГА ОЛИШНИ ТАШКИЛ ЭТИШ

3.1. Газни ҳисобга олмасдан етказиб беришга йўл қўйилмайди.

3.2. Сотилган газ миқдори газ тармоқлари бўлиниши чегарасида ўрнатилган ҳисоблаш приборлари ёки ўлчаш комплекси кўрсаткичлари бўйича аниқланади ҳамда ҳар икки томон имзолайдиган газ етказиб бериш ва қабул қилиш далолатномаси билан расмийлаштирилади.

Газ тармоғи бўлиниши чегараси Сотувчи ва Истеъмолчи ўртасидаги, тегишлилиги бўйича аниқланадиган газ тармоғи бўлиниши нуқтаси ҳисобланади ва унда ҳисоблаш приборлари ёки ўлчаш комплекси ўрнатилиши шарт.

3.3. Етказиб берилган газ учун ҳисоб-китоб стандарт шартларга нисбатан газ ҳажмини – куб метрларга келтирган ҳолда ($T = 20^{\circ}\text{C}$, $P = 760$ мм симоб устуни ҳисобида) амалга оширилади. Газ сарфини ҳисоб-китоб қилишда қуйидаги жиҳатлар ҳисобга олинади:

манометрлар ва термометрларнинг созлиги, уларнинг давлат қиёсловидан ўтганлигининг амал қилиш муддати;

газ тақсимлаш шохобчасини созлаш (тартибга солиш) муддати, шунингдек амалдаги ишчи босимининг газ тақсимлаш шохобчаси (ГТШ)нинг созланганлиги тўғрисидаги далолатномада қайд этилган параметрларга мувофиқлиги.

Юқоридаги кўрсаткичларга риоя қилинмаганда, Рортиқча = $1,0 \text{ кг/см}^2$ коэффиценти қўлланади.

3.4. Истеъмолчи томонидан газ ўлчаш прибори ва/ёки ўлчов комплекси танлови тегишли қоидалар ва меъёрларга мувофиқ амалга оширилади ва Сотувчи билан келишилади. Истеъмолчи томонидан газ ўлчаш прибори ва/ёки ўлчов комплекси (ТГХНАТ) га уланиши лозим.

3.5. Газ ўлчаш приборлари ва/ёки ўлчов комплексини ўрнатиш ва ишлатиш амалдаги қоидалар ва меъёрларга мувофиқ амалга оширилиши керак.

3.6. Газ ўлчаш приборлари ва/ёки ўлчов комплексларининг метрологик ва техник тавсифлари амалдаги меъёрлар ва қоидаларга мувофиқ бўлиши керак.

3.7. Газ истеъмолини ҳисобга олиш приборларини давлат қиёсловидан ўтказиш метрология хизмати органлари томонидан қонунчиликка мувофиқ амалга оширилади.

3.8. Режалаштирилган ишларнинг бир қисми сифатида (қиёслов кўриги/калибрлаш, торайиш мосламасини алмаштириш, таъмирлаш) газ ўлчаш приборларини ва/ёки ўлчов комплексининг қисмларини ечиш ва ўрнатиш техник ва/ёки ишлаб чиқариш эҳтиёжлари асосида келишув бўйича ва Тарафларнинг вакиллари иштирокида амалга оширилади.

3.9. Газ ўлчаш приборлари ва/ёки ўлчов комплексларини модернизация қилиш, газ ўлчаш приборларини алмаштириш, газни ўлчашнинг бошқа усуллари танлаш масалалари Сотувчи билан келишилади.

3.10. Газнинг физик-кимёвий параметрлари стандарт шароитдаги зичлик, азот (N_2) ва углерод диоксида (CO_2) Стандарт торайтирувчи қурилмалар асосидаги ўлчов комплексларининг конфигурациясига киритилади.

Сотувчи Истеъмолчи билан биргаликда ҳисоблаш приборига, унинг сифат лабораторияси томонидан тақдим этиладиган газ таркиби бўйича тузатувчи ўзгартиришларни 12 (ўн икки) соатдан кечиктирмасдан киритиши керак. Газ таркиби бўйича кўрсаткичларнинг ўз вақтида ва ҳаққоний киритилиши учун жавобгарлик Сотувчи зиммасида бўлади.

3.11. Сотувчи Истеъмолчининг газ ўлчаш приборлари ва/ёки ўлчов комплекслари ва уларнинг таркибий қисмларининг тўғри ишлашини кузатиш ҳуқуқига эга.

Шу билан бирга, Истеъмолчи Сотувчи вакиллари тегишли гувоҳнома кўрсатилган тақдирда ўлчаш приборлари ва/ёки ўлчаш комплексларига тўсиқсиз киришини таъминлайди.

3.12. Куйидаги ҳолатларда етказиб берилган газ учун пломбаланмаган газдан фойдаланиш асбоб-ускуналарининг бир суткада тўлиқ қувват билан 24 (йигирма тўрт) соат ишлаши ҳисобидан амалга оширилади:

газни ҳисобга олиш приборини давлат қиёсловидан ўтказиш муддати тугаганда ва Истеъмолчи давлат қиёсловини ўтказишга тўсқинлик қилган ҳолатда, тегишли ҳисоб-китоб қиёслов муддати тугаган вақтдан бошлаб у ўтказилгандан кейин газни ҳисобга олиш приборини ўрнатишгача бўлган даврга.

Истеъмолчи томонидан куйида кўрсатилган қоида бузилишлари содир этилган тақдирда, ундан истеъмол қилинган газ ҳажмлари нархи (амалдаги тарифлар бўйича) Сотувчининг ваколатли ходими сўнгги кўриқдан ўтказиш вақтидан бошлаб, газдан фойдаланиш ускунасининг сутканинг 24 (йигирма тўрт) соати мобайнида тўлиқ қувват билан ишлаши ҳисобидан келиб чиққан ҳолда, бироқ мазкур ҳисоб-китоб даври (ой)дан ортиқ бўлмаган муддатга ундирилади:

а) табиий газ истеъмолини ҳисобга олиш приборига қасддан шикаст етказиш;

б) ўчириш қурилмалари, газдан фойдаланадиган ускуна ёки табиий газ истеъмолини ҳисобга олиш приборида ўрнатилган тамғаларни қасддан бузиш;

в) табиий газ ҳисобини юритмасдан ёки ўрнатилган табиий газ истеъмолини ҳисобга олиш приборларидан фойдаланмасдан газни ишлатиш, ойлик меъёрлар бўйича аҳоли маиший эҳтиёжлари учун газ етказиб бериш бўйича хизмат кўрсатиш бундан мустасно;

г) газ қувурлари ёки ГТШларда, газ тақсимлаш тармоқларини технологик иш режимини бузишга олиб келадиган қурилмаларни ўрнатиш.

Охирги кўриқ ёки охирги ташриф – Сотувчининг ваколатли ходими томонидан ҳисоблагични техник ва метрологик ҳолатини ҳамда газ ускуналарини жойига чиққан ҳолда кўздан кечириш (тасдиқловчи ҳужжатлар тақдим этилганида) ҳисобланади.

Хатловдан ўтказиш далолатномаси мавжуд бўлмаганда табиий газ истеъмолини ҳисобга олиш приборини давлат қиёсловидан ўтказиш учун ечиб олиш санаси охирги хатлов ўтказилган кун ҳисобланади.

Истеъмолчи томонидан газлаштириш учун зарур ҳужжатлар расмийлаштирмасдан газ тармоқларига ўзбошимчалик билан уланган тақдирда, ушбу хатти-ҳаракатларни содир этган шахслардан рухсатсиз фойдаланилган газ ҳажмлари қиймати Истеъмолчи давлат рўйхатидан расмий ўтказилган кундан бошлаб (тегишли тасдиқловчи ҳужжатлар мавжуд бўлганда) ўтган вақт мобайнида газдан фойдаланиш ускунасининг сутканинг 24 (йигирма тўрт) соатида тўлиқ қувват билан ишлаши (ёки стандарт газдан фойдаланиш ускунаси мавжуд эмаслигида қувурнинг ўтказиш имконияти) ҳисобидан келиб чиққан ҳолда, бироқ даъво муддатидан ортиқ бўлмаган миқдорда ундирилади.

Шунингдек, тармоққа уланган газдан фойдаланиш ускунасининг бир суткада максимал (тўлиқ) қувват билан 24 (йигирма тўрт) соат ишлаши ҳисобидан келиб чиқиб, истеъмол қилинган газ ҳажмларининг қиймати куйидаги ҳолларда ундирилади:

а) ҳисобга олишни нотўғри кўрсатиш мақсадида ҳисобга олиш приборининг конфигурацияси ва созлигини ўзгартириш учун табиий газ истеъмолини ҳисобга олиш приборига модем ёки бошқа алоқа воситаларининг рухсатсиз улангани аниқланганда – рухсатсиз аралашилган кундан бошлаб бутун вақт давомида (аралашиш ҳолати ва санасини тасдиқловчи ҳужжатлар мавжуд бўлганда), лекин даъво муддатидан кўп бўлмаган даврга;

б) табиий газ истеъмолини ҳисобга олиш приборининг хотирасидан Истеъмолчининг айби билан назорат қилинадиган маълумотлар қисман ёки тўлиқ йўқотилишига йўл қўйилганда – маълумотлар йўқотилган вақтдан носозлик аниқланган

вакtgача (аралашиш ҳолати ва санасини тасдиқловчи ҳужжатлар мавжуд бўлганда), вақтни (даврни) аниқлаш имкони бўлмаганда – охирги кўрик ёки Сотувчи вакили бориб кўрган вақтдан бошлаб, лекин даъво муддатидан кўп бўлмаган даврда;

в) газ истеъмоли ҳажмлари ҳисобга олиш приборининг рухсат этилган максимал ўлчов чегарасидан ортиқча бўлганда. Ушбу ҳолатда пломбаланмаган газ жиҳозларида фойдаланилган газ учун ҳисоб-китоблар охирги хатловдан ўтказиш далолатномаси тузилган кундан, хатлов далолатномаси мавжуд бўлмаганда эса – Сотувчи вакили томонидан охирги марта бориб кўрилган кунда амалга оширилади;

г) ҳисобга олиш приборини улаш тартиби ва схемаси ўзгартирилганда, прибордан ташқари визуал аниқлаб бўлмайдиган яширин йўл билан уланишлар (газ қувурлари, байпас линиялари ва бошқаларни яширинча монтаж қилиниши) аниқланганда – охирги хатловдан ўтказиш далолатномаси тузилган кундан, лекин даъво муддатидан кўп бўлмаган даврда;

д) ҳисобга олиш прибори бузилганда ёки мавжуд бўлмаганда (Истеъмолчи айби билан), пломбалар узилганда ва визуал аниқланадиган табиий газнинг ҳақиқий истеъмоли кўрсаткичларини камайтириш мақсадидаги бошқа қоидабузарликларда (жумладан, ҳисобга олиш приборидан ташқари ёки ундан олдин газ қувурлари ва байпас линиялари уланганда) – бир ҳисоб-китоб давридан кўп бўлмаган вақтда;

Ҳисоблаш прибори Истеъмолчининг айбисиз носоз ҳолга келганда, ҳисоблаш прибори ТГНХАТга уланган бўлиб, тизимдан архив маълумотлар олиш имкони бўлганда, ҳисоб-китоб амалга оширишда ушбу маълумотлардан фойдаланилади.

е) газлаштириш учун зарур ҳужжатларини расмийлаштирмасдан қўшимча газ қурилмаси ўрнатиш ҳолати аниқланганда (қўшимча газ анжомларини ўрнатиб олиб фойдаланаётганлик факти бўйича асослантирувчи ҳужжатлар мавжуд бўлганида) – охирги хатлов далолатномаси тузилган кундан, лекин бир ҳисоб-китоб давридан кўп бўлмаган вақтда.

Газ узиб қўйилганидан сўнг ўзбошимчалик билан қайта уланганда, истеъмол қилинган газ ҳажми ва унинг қиймати газ узиб қўйилган кундан бошлаб, уланган газдан фойдаланиш ускунасининг бир суткада 24 (йигирма тўрт) соат ичида тўлиқ қувват билан ишлаб туриши ҳисобидан аниқланади.

Бунда қоидабузарлик тўғрисидаги далолатномага мувофиқ амалга оширилган қайта ҳисоб-китоб ҳажми ва суммаси қонун бузилиши натижасида келтирилган зарарни ҳисоблаш учун асос ҳисобланади.

3.13. Сотувчи томонидан етказиб бериладиган газ ҳажмининг ишончилигига таъсир кўрсатувчи газ ўлчаш прибори ва/ёки ўлчов комплексининг ишлаши бузилган ҳолатлар аниқланганда, Сотувчи Ўзбекистон техник жиҳатдан тар-тибга солиш агентлиги бўлинма-ларида ёки аккредитация қилинган юридик шахсларда ва (ёки) улар ҳузуридаги бўлинмаларда ўлчов комплекслари ва газни ҳисоблаш приборларини экспертизадан ўтказиш талаб қилиш ҳуқуқига эга.

Агар газ ўлчаш прибори ва/ёки ўлчов комплекси носоз бўлса, экспертизадан ўтказганлик учун тўловлар Истеъмолчи томонидан, соз ҳолатда бўлганда эса Сотувчи томонидан амалга оширилади.

3.14. Агар газ ўлчаш прибори ва/ёки ўлчов комплекси носоз ҳолга келганда ёки газ сизиб чиқиш ҳолатлари аниқланган тақдирда Истеъмолчи 24 соатдан кечиктирмасдан бу ҳақида Сотувчига хабар бериши, шунингдек, Истеъмолчи газдан фойдаланувчи ускуналари иш жадвалини тузиши ва газдан фойдаланилмайдиган газ ускуналарини Сотувчи Истеъмолчи иштирокида тамғалаб қўйиши ва тегишли далолатнома расмийлаштириши шарт.

IV. ЕТКАЗИБ БЕРИЛГАН ГАЗ УЧУН ҲИСОБ-КИТОБНИ АМАЛГА ОШИРИШ

4.1. Истеъмолчи мазкур шартнома асосида етказиб берилган газ учун тўловни амалга ошириши шарт.

4.2. Газ учун нархлар ваколатли орган томонидан амалдаги қонунчиликка мувофиқ белгиланади.

Ўзбекистон Республикаси Президентининг 2017 йил 8 ноябрдаги ПҚ-3379-сон қарорининг иловадаги рўйхатига мувофиқ табиий газни сотишда нархни шакллантиришнинг алоҳида тартиби белгиланган истеъмолчилар етказиб берилган табиий газ учун тўловларни Ўзбекистон Республикаси Вазирлар Маҳкамасининг қарорлари билан белгиланган ўсиб боровчи коэффициентлар ва тарифлар асосида амалга оширади.

4.3. Истеъмолчи ҳисоб-китоб қилиш даври бошланишидан камида 5 (беш) кун олдин Сотувчининг ҳисоб рақамига ушбу шартноманинг 1.4 ва 1.5-бандларида кўрсатилган ойлик табиий газ ҳажми қиймати суммасининг 50 фоиз миқдорида тўловларни олдиндан амалга ошириши шарт.

Истеъмолчи тўлов имкониятига эга бўлган тақдирда ойлик газ ҳажми қийматининг 100 фоиз суммасини олдиндан тўлаши мумкин.

Амалда истеъмол қилинган газ ҳажми учун якуний ҳисоб-китоб ҳисобот ойининг охиригача амалга оширилади.

4.4. Харидорга газ олдиндан тўловсиз етказиб берилмайди.

Ўзбекистон Республикаси Вазирлар Маҳкамаси ҳузуридаги Идоралараро тариф комиссияси томонидан белгиланган тақсимот асосида тўлаш назарда тутилган корхоналар ҳар ойда етказиб берилган табиий газ учун тўловларни мазкур тақсимот асосида амалга оширади.

4.5. Олдиндан тўлов амалга оширилмаган тақдирда, Истеъмолчига газ етказиб берилмайди (стратегик корхоналар ва ижтимоий аҳамиятга эга Истеъмолчи бундан мустасно).

4.6. Истеъмолчи томонидан олинган газ учун узил-кесил ҳисоб-китоб қилиш ҳисоб-китоб ойдан кейинги ойининг 10-кунигача амалга оширилади.

4.7. Стратегик ва ижтимоий аҳамиятга эга Истеъмолчи ҳисоб-китоб қилиш ойи тугагандан кейин 30 кун мобайнида олинган газ учун якуний ҳисоб-китобни амалга оширадilar.

4.8. Истеъмолчи шартномада кўрсатилган ҳажмдан кам газ истеъмол қилган тақдирда, аванс тарзида тўланган маблағлар қайтарилмайди ва келгуси ҳисобот даври учун газдан фойдаланишда ҳисобга олинади.

4.9. Истеъмолчига газ етказиб бериш учун тузилган шартномада ҳисоб-китоб ойи давомида белгиланган ҳажмлардан кўп ҳажмда табиий газ етказиб берилмайди.

Навбатдаги ой (чорак) учун кўрсатилган табиий газ ҳажмлари бўйича ушбу шартнома ўзгартирилишидан олдин Истеъмолчи Сотувчига бу ҳақида ўн кундан кечикмай хабар берган ва келишилган тақдирда, бундай ҳолатлар ортиқча олинган миқдор деб ҳисобланмайди.

4.10. Газ учун Истеъмолчининг тўлов муддати ўтган қарзи мавжуд бўлган тақдирда, унинг аванс тўлови ҳисобига ўтказилган маблағлари Истеъмолчини хабардор қилган ҳолда, тўлов муддати ўтган қарзни тўлашга йўналтирилади ва аванс тўлови сифатида ҳисобга олинмайди.

4.11. Сотувчи ва Истеъмолчи ўртасидаги ҳисоб-китоб ҳаққонийлигини таъминлаш учун ҳисобот даврида газни етказиб бериш-қабул қилиш далолатномаси расмийлаштирилади.

Далолатномани расмийлаштиришда қуйидагилар инобатга олинади:

а) газ ҳисоблаш прибори кўрсаткичлари, автоматик тарзда тўғриланадиган газни ҳисоблаш приборидан ҳисобот даври учун олинган (кўчирма) архив маълумотлари;

б) Истеъмолчи газ тармоқлари ва ГТШдаги технологик йўқотишларнинг ҳисобланган ҳажми кўрсатилган ҳолда расмийлаштирилган далолатнома.

4.12. Кўрсаткичлар олинганидан сўнг кейинги ойнинг 5-кунига қадар Сотувчи томонидан ҳисоб-китоб ойи учун газ етказиб бериш ва қабул қилиш далолатномаси ва счет-фактура расмийлаштирилади.

4.13. Истеъмолчи ойнинг 7-кунидан кечиктирмасдан Сотувчидан ҳисоб-китоб ойи учун газ етказиб бериш ва қабул қилиш далолатномасини ва счет-фактурани қабул қилиб олади ва имзолайди ҳамда бир нусхасини Сотувчига жўнатади.

4.14. Газни етказиб бериш-қабул қилиш далолатномасини имзоламаслик ёки уни эътирозлар билан имзолаш Истеъмолчини кўрсатиб ўтилган табиий газ ҳажмлари учун тўловлардан озод қилмайди. Етказиб берилган ёки қабул қилинган газ миқдорини аниқлашдан норози бўлган томон далолатномада норозилик сабабларини мажбурий акс эттириш йўли билан ҳисоб-китоб қилиш ойи тугагандан кейин 10-кунгача бошқа томонга бу тўғрисида далолатноманинг бир нусхасини тақдим қилади. Ушбу масалани ўзаро ҳал этиш имконияти бўлмаганда, келишмовчилик сабаблари қонунчиликда белгиланган тартибда кўриб чиқирилиши керак.

4.15. Газ учун амалдаги тарифлар (нархлар) ўзгарган ҳолатда, Сотувчи бу ҳақидаги ахборотни камида 15 (ўн беш) кун олдин оммавий ахборот воситалари ҳамда расмий веб сайти (www.uzgastrade.uz) орқали хабардор қилади. Газ учун тарифлар ўзгарганида, мазкур Шартнома ўз кучида қолади, истеъмол қилинган газ учун тўлов эса янги тариф асосида, у қонунда белгиланган тартибда кучга кирганидан сўнг амалга оширилади.

Бунда истеъмолчи газнинг аванс тариқасида тўланган ҳажми учун тўлов кунидан бошлаб кўпи билан кейинги 1 (бир) ой қўшимча тўлов тўлашдан озод қилинади.

Фойдаланилган газ учун тўлов суммаси газ истеъмолини ҳисобга олиш приборларидан кўрсаткичларни олиш вақтида амалда бўлган тарифлар асосида ҳисобланади. Тарифлар ўзгарганда, аввал ҳисобланган сумма бўйича тарифлар ўзгаришига қадар тўлов амалга оширилмаган бўлса, қайта ҳисоб-китоб қилинмайдиган қарздорлик вужудга келган деб тан олинади.

V. ҲУҚУҚБУЗАРЛИКЛАР ВА ГАЗДАН НОҚОНУНИЙ ФОЙДАЛАНИШ УЧУН ЖАВОБГАРЛИК

5.1. Газдан фойдаланишда Истеъмолчи томонидан 3.12-бандида кўрсатиб ўтилган ҳуқуқбузарликларга йўл қўйилиши, Сотувчи ва Истеъмолчи вакиллари томонидан имзоланадиган ва икки нусхада тузиладиган далолатнома билан расмийлаштирилади.

5.2. Ушбу шартноманинг 5.1-бандига асосан расмийлаштирилган далолатномага мувофиқ Истеъмолчидан, Сотувчи вакилининг сўнгги кўздан кечириш кунидан бошлаб, фойдаланган газ ҳажми қиймати (амалдаги тарифлар бўйича) ундирилади.

5.3. Бунда мазкур шартноманинг 5.2-бандида кўрсатилган ҳолатларда газ ҳажми қийматининг ундирилиши Истеъмолчини қонунчиликда белгиланган жавобгарликдан озод қилмайди.

VI. ТАРМОҚДАН УЗИБ ҚЎЙИШ ВА ҚАЙТА УЛАНИШ ТАРТИБИ

6.1. Истеъмолчи (стратегик корхоналар ва ижтимоий аҳамиятга эга Истеъмолчи бундан мустасно) газ тармоқларидан қуйидаги ҳолатларда узиб қўйилади:

- фойдаланилган газ учун ҳисоб-китоб ўз вақтида амалга оширилмаганлиги натижасида қарздорлик мавжуд бўлганда;
- Сотувчининг қонунчиликда белгиланган кўрсатмалари бажарилмаганда, шу жумладан унинг вакиллари ҳисоблаш приборларидан кўрсаткични олишига қўйилмаганда;
- ҳисоблаш приборлари қасддан бузилганда, прибор кўрсаткичларини ўзгартириш мақсадида уларнинг ишлашига тўсқинлик қилувчи хатти-ҳаракатлар амалга оширилганда;
- газни талон-тарож қилиш, газ тармоқларига ноқонуний уланиш ҳолатлари аниқланганда.

6.2. Сотувчи етказиб берилган газ учун қарздор бўлган Истеъмолчини қарзни 5 (беш) кун ичида узиши лозимлиги ҳақида хабардор қилади.

Сотувчи Истеъмолчини хабардор қилган вақтдан бошлаб 5 (беш) кун муддат ўтгандан сўнг, Истеъмолчини дебитор қарздорлик учун газ тармоқларидан узиб қўйиш ва уларни қайтадан улашни қонунчилик ҳужжатларида белгиланган тартибда амалга оширади.

Қайта уланишда Истеъмолчидан тўлов куни амалда бўлган базавий ҳисоблаш миқдорининг ўн баравари миқдорида ҳақ ундирилади. Бунда, ТГНХАТга уланган ҳамда ҳисобга олиш прибори автоматик тарзда ўчириб-ёқиш қурилмасига эга бўлган Истеъмолчини газ тармоқларига қайта уланиши учун ҳақ ундирилмайди.

VII. ТАРАФЛАРНИНГ ҲУҚУҚЛАРИ ВА МАЖБУРИЯТЛАРИ

7.1. Сотувчи қуйидагиларга мажбур:

- газ етказиб бериш қисқартириш ёки тўхтатиш тўғрисида ушбу шартноманинг 2.4 ва 2.5-бандлари талабларига кўра Истеъмолчини хабардор қилишга;
- ўзбошимчалик билан уланиш ҳолатлари аниқланганда, газ тармоқлари моддий бойликларининг талон-тарож қилинганлиги тўғрисида ҳуқуқни муҳофаза қилиш органларини хабардор қилишга;
- истеъмолчига газ етказиб бериш шартномасида келишилган шартлар асосида газ сотишга;
- ваколатли давлат органларининг мажбурий кўрсатмаларини бажаришга;
- қонунчилик ҳужжатларида белгиланган стратегик ва ижтимоий аҳамиятга эга бўлган Истеъмолчини об-ҳаво совиб кетиши даврида табиий газ билан узлуксиз таъминлаш мақсадида ушбу шартноманинг 2.5-банди талабларидан келиб чиққан ҳолда газни қисқартириш ёки тўхтатиб қўйишга.
- товарлар (ишлар, хизматлар) бўйича истеъмолчилар билан тузиладиган наъмунавий шартномаларини (оферталарини) ўз расмий веб сайти (www.uzgastrade.uz)га жойлаштиради.

Сотувчи Қонунчиликка мувофиқ бошқа мажбуриятларга ҳам эга бўлиши мумкин.

7.2. Сотувчи қуйидаги ҳуқуқларга эга:

- Истеъмолчини белгиланган тартибда ушбу шартноманинг 2.4 ва 2.5-бандлари талабларига мувофиқ хабардор қилган ҳолда, газни етказиб беришни қисқартириш ёки тўхтатиш;

- ўзбошимчалик билан уланиш, ой давомида шартномада белгиланганидан кўп ҳажмда табиий газ олиш ҳолатларида, уларни газ тармоғидан узиб қўйиш;

- Истеъмолчидан Табиий газдан фойдаланиш қоидалари ва газни етказиб бериш шартномаси талабларига риоя этишини талаб қилиш;

- шартномани қонун ҳужжатларига мувофиқ бир томонлама бекор қилиш;

- газ тармоқларида авариянинг олдини олиш ёки бартараф этиш юзасидан кечиктириб бўлмайдиган чораларни кўриш зарурати юзага келганда, Истеъмолчи билан келишмасдан ва уни огоҳлантирмасдан ҳамда зудлик билан хабардор қилган ҳолда, табиий газни етказиб беришни тўхтатиш ёки чеклаш.

7.3. Истеъмолчи қуйидагиларга мажбур:

- газдан оқилон ва самарали фойдаланишга ҳамда фойдаланилган табиий газ учун тўловларни ўз вақтида амалга оширишга;

- тасарруфидаги газ қувурлари ва ускуналарини техник жиҳатдан соз ҳолатда сақлашга;

- газ тармоқларида ёки газдан фойдаланиш ускунасида вужудга келган табиий газ сизиб чиқиши ҳолати ҳақида Сотувчининг ва газ ташувчининг диспетчерлик хизматларини зудлик билан хабардор қилишга;

- ўзининг газ тармоқлари дахлсизлигини таъминлаш ва эҳтимоли бўлган рухсатсиз уланишларни аниқлаш мақсадида уларни ва улардаги ускуналарни мунтазам равишда кўздан кечириб чиқишга;

- газ тармоқларига сертификатланмаган, газлаштириш лойиҳасига (кейинги ўринларда ЛТХ деб аталади) мувофиқ бўлмаган газдан фойдаланиш ускунасининг уланишига йўл қўймасликка;

- Сотувчининг ва “Ўзэнергоинспекция” вакиллари (тегишли гувоҳнома кўрсатилган тақдирда) газни истеъмол қилишни ҳисобга олиш приборларини ва ёки газдан фойдаланиш ускунасини куннинг исталган вақтида эркин кўздан кечиришини таъминлашга;

- газдан фойдаланиш ускунасидаги носозликларни (бундай турдаги ишларни бажариш ҳуқуқига эга бўлган ихтисослаштирилган бригадалар ёки ходим ёрдамида) бартараф этишга;

- газ истеъмолини ҳисобга олиш приборлари кўрсаткичларини ўзгартириш мақсадида уларнинг ишлашига тўсқинлик қилувчи ҳаракатларни амалга оширмасликка, уларнинг қасдан бузилишига йўл қўймасликка ва ўрнатилган тамғаларнинг бутунлигини таъминлашга;

- газ истеъмолини ҳисобга олиш приборлари ишидаги носозлик аниқланган тақдирда, 24 соат ичида Сотувчини ўзи учун қулай шаклда дарҳол хабардор қилишга;

7.4. Истеъмолчи Сотувчидан қуйидагиларни талаб қилиш ҳуқуқига эга:

- етказиб берилган газнинг аниқланган ҳажмига ва бошқа параметрларига норози бўлган тақдирда, етказиб берувчининг газ истеъмолини ҳисобга олиш приборлари ишлаганини ишончлилигини текшириш учун комиссия ташкил этиш;

- табиий газнинг стандартлаштириш бўйича норматив ҳужжатларда кўзда тутилган сифатда ва етказиб бериш режимига риоя қилган ҳолда узатилиши;

- шартнома бекор қилинганда, фойдаланилмаган газ ҳажми учун тўланган суммани қайтариш;

- шартномани қонун ҳужжатларига мувофиқ бир томонлама бекор қилиш;
- газни етказиб бериш тўхтатилганда, зарарни қоплашни талаб қилиш;
- газ етказиб беришни вақтинча тўхтатишни.

Истеъмолчи қонунчилик ҳужжатларида белгиланган бошқа ҳуқуқларга эга бўлиши мумкин.

VIII. ТАРАФЛАРНИНГ МОДДИЙ ЖАВОБГАРЛИГИ

8.1. Сотувчи Истеъмолчига шартномага асосан газ етказиб бермаган ёки тўлиқ етказиб бермаганлиги оқибатида етказилган аниқ зарар ва бой берилган фойдани белгиланган тартибда қоплайди. Ушбу шартноманинг 2.4., 2.5. ва 2.7. бандлари ҳолатлари юзага келганда, бундан мустасно.

8.2. Сотувчи томонидан шартнома мажбуриятлари бажарилмаслиги натижасида Истеъмолчига моддий зарар етказилганда, Истеъмолчи Сотувчига нисбатан белгиланган тартибда жарима қўллаш бўйича судга мурожаат этиш ҳуқуқига эга.

8.3. Шартномада кўрсатилган ҳажмдан кам ҳажмда газ етказиб берилган тақдирда, Сотувчига нисбатан амалдаги қонунчиликда белгиланган тартиб асосида жарима санкциялари қўлланилади, қуйидаги ҳолатлар бундан мустасно:

а) форс-мажор ҳолатлар;

б) ушбу шартноманинг 2.4-бандида назарда тутилган газ тармоқларида авария ҳолатларида;

в) киш даврида вақтинча газ етказиб беришни белгиланган тартибда чеклаш жорий этилганда (Ўзбекистон Республикаси Вазирлар Маҳкамасининг 2008 йил 24 декабрдаги 277-сон қарори, шунингдек, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари қарорлари билан тасдиқланган газ етказиб бериш тармоғидан узиб қўйилмайдиган объектлар рўйхатига киритилган корхоналардан ташқари).

8.4. Истеъмолчи етказиб берилган газнинг сифати шартнома ёки норматив ҳужжатлар талабларига мос келмаганида, газ қабул қилиш ёки унинг учун ҳақ тўлашни рад этиш, етказиб берилган сифати зарур даражада бўлмаган газ ҳажми қийматининг 20 фоизи миқдорида жарима тўлашни Сотувчидан талаб қилиш, газ қиймати тўланган бўлса, белгиланган тартибда тўланган суммани қайтаришни талаб қилиш ҳуқуқига эга.

8.5. Сотувчи томонидан шартномада кўрсатилган ҳажмлардан кам газ етказиб берилганда, Сотувчи Истеъмолчига муддати ўтган ҳар бир кун учун мажбуриятларнинг бажарилмаган суммасининг 0,5 фоизи миқдорида, бироқ етказиб берилмаган газ қийматининг 50 фоизидан ошмайдиган миқдорда пеня тўлайди. Ушбу шартноманинг 2.4., 2.5. ва 2.7. бандлари ҳолатлари юзага келганда, бундан мустасно.

8.6. Шартномада кўрсатиб ўтилган муддатларда етказиб берилган газ ҳақи ўз вақтида тўланмаган тақдирда, Истеъмолчи муддати ўтган ҳар бир кун учун муддати ўтган тўлов суммасининг 0,4 фоизи миқдорида, бироқ муддати ўтган тўлов суммасининг 50 фоизидан ошмайдиган миқдорда пеня тўлайди.

8.7. Истеъмолчининг шартнома мажбуриятларини бажармаслиги оқибатида ҳисобот ойи мобайнида унга газ етказиб беришни тўхтатилиши натижасида ёки сотувчига боғлиқ бўлмаган бошқа сабабларга кўра бўшатиш (етказилмаган) табиий газ ҳажмлари, кейинги ҳисобот ойларида ушбу истеъмолчига тегишли ҳисобланмайдиган ва унга етказиб берилмайдиган.

IX. КОРРУПЦИЯГА ҚАРШИ ТАЛАБЛАР

9.1. Ушбу шартноманинг ҳар бир томони ўзига нисбатан қўлланиладиган барча, шу жумладан Ўзбекистон Республикаси амалдаги қонунчилик ва норматив ҳужжатларидаги Коррупцияга қарши тегишли шартлар ва талабларни тушуниши ҳақида бир-бирини ишонтиради ва уларга амал қилишини кафолатлайди.

9.2. Истеъмолчи ушбу шартнома амалда бўлган бутун давр мобайнида у (шунингдек унинг мансабдор шахслари, директори, ходимлари, агентлари ва бошқа вакиллари) Сотувчининг манфаатларида унинг агенти ёки вакили сифатида ҳаракат қилиб, Сотувчининг ҳамда Ўзбекистон Республикасининг амалдаги қонунчилик ва норматив ҳужжатларининг Коррупцияга қарши тегишли шартлари ва талабларига қатъий риоя этиш мажбуриятини олади.

X. НИЗОЛАРНИ ҲАЛ ЭТИШ ТАРТИБИ

10.1. Келишмовчиликлар ва низоли масалалар юзага келган тақдирда Тарафлар қонунчилик талабларига кўра, уларни судгача ҳал этиш чораларини кўрадилар.

Келишмовчиликлар ва низоли масалаларни ҳал этиш учун Тарафлар белгиланган тартибда ваколатли органларга ёки судга мурожаат қилишга ҳақлидир.

10.2. Шартнома шартларини бир томонлама рад этиш ва бир томонлама ўзгартиришга йўл қўйилмайди, қонунда белгиланган ҳолатлар бундан мустасно.

XI. ФОРС-МАЖОР ҲОЛАТЛАР

11.1. Тарафлар уларнинг хоҳиш ва ҳаракатларига боғлиқ бўлмаган табиий офатлар ёки ижтимоий-иқтисодий вазиятлар сабабли ушбу шароитларда қайтариб бўлмайдиган ва олдиндан билиб бўлмайдиган ғавқулдда ҳолатларни ўз ичига олган енгиб бўлмас куч (форс-мажор) оқибатида ўз зиммасига олинган мажбуриятларни бажара олмаса, томонлардан ҳеч бири ўз мажбуриятларини тўлиқ ёки қисман бажармагани учун жавоб бермайди.

11.2. Агар кўрсатилган форс-мажор ҳолатлари мажбуриятларнинг шартномада белгиланган муддатларда бажарилишига таъсир қилса, у ҳолда ушбу муддатлар форс-мажор ҳолатларининг амал қилиш вақтига, аммо табиий газ Сотиш шартномасининг амал қилиш муддатидан кўп бўлмаган вақтга узайтирилади.

XII. ШАРТНОМАНИНГ АМАЛ ҚИЛИШИ

12.1. Ушбу шартномага киритиладиган ҳар қандай ўзгартириш ва қўшимчалар ёзма равишда расмийлаштирилган ва томонлар ўртасида имзоланган бўлиши лозим.

12.2. Ушбу шартнома 20__ йил 31 декабргача бўлган муддатга тузилади. Шартноманинг амал қилиш муддати тугаши муносабати билан томонлардан ҳеч бири уни бекор қилиш ҳақида мурожаат қилмаган тақдирда, шартнома кейинги йилга узайтирилган ҳисобланади.

XIII. ШАРТНОМАНИНГ ЎЗГАРТИРИШ ВА БЕКОР ҚИЛИШ ТАРТИБИ

13.1. Фуқаролик кодексида, бошқа қонунларда ёки мазкур шартномада бошқача тартиб назарда тутилган бўлмаса, шартнома Тарафларнинг келишувига мувофиқ ўзгартирилиши ва бекор қилиниши мумкин.

Тарафлардан бирининг талаби билан шартнома суд томонидан фақат қуйидаги ҳолларда ўзгартирилиши ёки бекор қилиниши мумкин:

а) иккинчи Тараф шартномани жиддий равишда бузса;

б) Фуқаролик Кодекси, бошқа қонунлар ва шартномада назарда тутилган ўзга ҳолларда.

Тарафлардан бирининг шартномани бузиши иккинчи тарафга у шартнома тузишда умид қилишга ҳақли бўлган нарсадан кўп даражада маҳрум бўладиган қилиб зарар етказиши шартномани жиддий бузиш ҳисобланади.

Бир Тараф шартномани бажаришдан тўла ёки қисман бош тортиб, қонун ёхуд Тарафларнинг келишувида бунга йўл қўйилса, шартнома тегишлича бекор қилинган ёки ўзгартирилган ҳисобланади.

13.2. Фуқаролик Кодексининг 455, 476-моддаларида назарда тутилган асосларга кўра Сотувчи шартномани бир томонлама бекор қилишга ҳақли.

13.3. Шартномани амал қилиш даврида шартнома VI-бўлимида назарда тутилган бандларини бир неча бор бузиш ҳолатларида бекор қилиниши мумкин.

13.4. Истеъмолчи томонидан шартноманинг 13.1.-бандида кўрсатилган қоидабузарликлар бартараф этилиб, ушбу қоидабузарликлар натижасида етказилган зарар тўлиқ қопланганидан сўнг, Истеъмолчи билан янгидан газ етказиб бериш шартномаси тузилади.

XIV. ЯКУНЛОВЧИ ҚОИДАЛАР

14.1. Ушбу шартнома шартларида назарда тутилмаган ҳолатлар ва ўзаро келиб чиқадиган низолар Вазирлар Маҳкамасининг 2018 йил 12 январдаги 22-сонли қарори билан тасдиқланган Табиий газдан фойдаланиш қоидаларига ва амалдаги норматив-ҳукукий ҳужжатлар талабларига мувофиқ тартибга солинади.

14.2. Ушбу шартнома 15 варақдан иборат бўлиб, бир хил юридик кучдаги икки нусхада тузилган ва ҳар бир Тарафда бир нусхадан сақланади.

XV. ТОМОНЛАРНИНГ БАНК РЕКВИЗИТЛАРИ ВА МАНЗИЛИ:

СОТУВЧИ:

Почта манзили:

Боғланиш телефони:

Тўловлар учун банкнинг ҳисоб рақами:

Пеня учун банкнинг ҳисоб рақами:

ФПМ:

Банкнинг номи:

ФПМ:

СТИР:

Раҳбар:

Имзо:

М.Ў.

ИСТЕЪМОЛЧИ:

Почта манзили:

Боғланиш телефони:

Тўловлар учун банкнинг ҳисоб рақами:

Банкнинг номи:

ФПМ:

СТИР:

Раҳбар:

Имзо:

М.Ў.

20 ____ йил « ____ » ____ даги
____-сон шартномага ИЛОВА

Фойдаланишга қабул қилинган газда ишлайдиган қурилмалар
РЎЙХАТИ

[illegible]

Келишилди:

Етказиб берувчи:

Истеъмолчи:

Сотувчи юристи хулосаси:

Юрист Ф.И.О. ва имзоси

Истеъмолчи юристи хулосаси:

Юрист Ф.И.О. ва имзоси